

Izmjene i dopune Zakona o sudskoj reformi Republike Srpske

Danas je Visoki predstavnik, Wolfgang Petritsch, izdao Odluku kojom se donose izmjene i dopune Zakona o sudovima i sudskoj sluzbi i Zakona o javnom tuzilastvu Republike Srpske.

Ovim Zakonima, koji su usvojeni na desetoj sjednici Narodne skupstine RS, namjeravao se otkloniti direktan utjecaj izvrasnog i zakonodavnog dijela vlasti sa pravosudnog sistema. Medjutim, izmjene i dopune koje je u posljednjem trenutku usvojila Narodna skupstina su narusile svrhu ovih Zakona. Zbog znacaja ovih zakona, Visoki predstavnik je odlucio da ove greske ispravi.

Izmjena donesena u posljednjem trenutku je postavila ministra pravde RS u Visoki sudski savjet RS, upravno tijelo sudstva. Odluka Visokog predstavnika je izmijenila ovu odredbu, onemogucavajuci ministru da ima polozej u ovom Savjetu i na taj nacin uklanjajuci utjecaj vlasti sa sudstva. Prema Odluci Visokog predstavnika, Vrhovni sud RS je sada odgovoran za rukovodjenje Visokim sudskim savjetom, kao sto je to slucaj u Federaciji BiH.

Zakoni u formi usvojenoj od strane Narodne skupstine RS su takodjer odredili period od dvanaest mjeseci tokom kojeg ce se provjeriti protekli rad svih sadasnjih sudija i tuzilaca. Visoki predstavnik je ovaj period produzio na osamnaest mjeseci. Tokom ovog perioda, smijenit ce se oni koje novi Visoki sudski savjet i Visoki tuzilacki savjet budu smatrali nepodobnim za vrsenje ove funkcije.

U svakoj modernoj demokratiji, neovisan pravosudni sistem sluzi kao potrebno sredstvo provjere i balansiranja

zakonodavne i izvršne vlasti te time osigurava funkcioniranje demokratskog sistema. Vijeće za implementaciju mira je na svom sastanku održanom u maju naglasilo značaj neovisnog i nepristrasnog pravosudnog sistema i zahtijevalo je da svaki politički utjecaj sa pravosudnog sistema u Bosni i Hercegovini bude otklonjen. Ovo također predstavlja i jedan od uslova za prijem Bosne i Hercegovine u Vijeće Evrope. Preciznije, Vijeće Evrope je od Bosne i Hercegovine zahtijevalo da uvede novi sistem, slobodan od političkih utjecaja, kojim se regulira imenovanje, disciplina te razrješavanje s dužnosti sudija i tužilaca.

Uz izmjene i dopune Zakona o sudovima i sudskoj službi i Zakona o javnom tužilaštvu Republike Srpske koje danas donosi Visoki predstavnik, te uz proglašenje Zakona o sudijskoj i tužilačkoj funkciji u Federaciji od strane Visokog predstavnika, Bosna i Hercegovina je jedan korak bliže da postane moderna evropska država koja se vodi vladavinom zakona a ne vladavinom pojedinaca.

Visoki predstavnik je ove izmjene i dopune donio u skladu sa svojim ovlastima prema Aneksu X Dejtonskog mirovnog sporazuma. Isti će odmah biti objavljeni u službenom glasniku RS.